

# Fundacion Museo Arubano



**ORANJESTAD (IPA-VER)**  
Recientemente e grupo di trabao di C.C.A., encarga cu creacion di e museo historico Arubano a mira nan deseo bira realidad na momento cu oficialmente a firma e acta notarial pa e fundacion museo Arubano.

Trabao ta hopi y plannan ta grandi, ta p'esey directiva di C.C.A. no por a sigui cu coordinacion di e parti especial di museo. Museo historico ta situa den Fort

Zoutman na Willem III Toren y na anja 1983 a ser inaugura oficialmente pa Prinses Magriet.

Directiva di museo Arubano ta preparando un plan di re-organizacion di e museo y pronto un apelacion lo ser haci na comunidad Arubano pa contribui cu mantencion y re-organizacion di e museo.

Den e sentido di pone artefacto, muebles y otro obheto na disposicion di e museo.

Notario Eman a pasa e acta y a haci e traspaso di acta den forma di donacion, hecho pa cual directiva kier a gradiciele publicamente.

E miembronan di directiva ta Alice van Romondt, Presidente; Susan de Lange, secretaria; Rolin Croes, tesorero y comisionario na Sim Frank, Ellen Croes, Edna Kuiperi, Estefanita Tromp, Alletta Beaujon y Olinda van der Linden.